

## **Kapisiliarniarneq pillugu Namminersorlutik Oqartussat nalunaarutaat nr. 2, 10. August 2018-imeersoq**

Aalisarneq pillugu Inatsisartut Inatsisaanni nr. 18, 31. oktober 1996-imeersumi, § 5, § 8, § 10, § 10a, imm. 1, § 13, imm. 2, § 23, § 25, § 26, § 33, imm. 2 aamma § 34, imm. 3, ilaatigut Inatsisartut inatsisaanni nr. 6, 20. maj 1998-imeersukkut, Inatsisartut inatsisaanni nr. 5, 21. maj 2002-meersukkut, Inatsisartut inatsisaanni nr. 28, 18. december 2003-meersukkut, Inatsisartut Inatsisaanni nr. 17, 3. december 2009-meersukkut, Inatsisartut Inatsisaanni nr. 12, 3. December 2012-imeersukkut Inatsisartut Inatsisaat nr. 18, 3. juni 2015-meersoq kiisalu kingullermik Inatsisartut inatsisaatigut nr. 28, 28. november 2016-imeersukkut allanngortinneqarsimasut tunngavigalugit aalajangersarneqarpoq:

### **Kapitali 1**

#### *Atuuffia nassuiaatillu*

#### *Atuuffia*

§ 1. Nalunaarut una Kalaallit Nunaata aalisarnikkut oqartussaaffigisaani kapisilinniarnermut atuuppoq:

1) Nunap Isuata kitaani NAFO-p sumiiffilersuiffiani 1-imi ingerlanneqartumut atuuppoq. Tunngaviusumik killigititami 40 smilit avataanni aalisarneq inerteqqutaavoq.

2) Kalaallit Nunaata Kangiata aalisarfiini. Paragraffitulliuttut kisimik atuutissapput, tassalu § 6, § 7, § 8, § 9, § 10, § 11, § 12, § 13, § 14, § 15 aamma § 16. Tunngaviusumik killigititami 12 smilit avataanni kapisilinniarluni aalisarneq inerteqqutaavoq.

#### *Nassuiaatit*

§ 2. Inuussutissarsiutigalugu kapisilinniarneq nalunaarummi matumani paasineqassaaq pisat tamaasa ilaannaasaluunniit tuniniarnissaat siunertaralugu kapisilinniarnertut.

*Imm. 2.* Inuussutissarsiummut atatinnagu kapisilinniarneq nalunaarummi matumani paasineqassaaq nammineq atugassanik kapisilinniarnertut.

*Imm. 3.* Kapisilinnik pisineq nalunaarummi matumani paasineqassaaq inunnit kapisilinniarnissamut akuersissummik allagartaqartunit toqqaannartumik pisineq tigusinerlu.

### **Kapitali 2**

#### *Inuussutissarsiutigalugu kapisilinniarneq*

*Inuussutissarsiutigalugu kapisilinniarnermut piumasaqaatit*

§ 3. Inuussutissarsiutigalugu kapisilinniarnissamut akuersissummik allagartallit kisimik kapisilinnik tuniniaasinnaatitaapput.

§ 4. Inuussutissarsiutigalugu kapisilinniarsinnaanermut allagartat akuersissutit Naalakkersuisunit tunniunneqassapput.

*Imm. 2.* Allagartat imm. 1 naapertorlugu akuersissutit qinnuteqartunut piumasaqaatinik makkuninnga naammassinnittunut taamaallaat tunniussisoqarsinnaavoq:

1) Qinnuteqartoq inuiaqatigiinnut kalaallinut attuumassuteqavissoq, tak. aalisarnej pillugu Inatsisartut inatsisaanni § 3, imm. 4.

2) Qassutinik kapisilinniutinik aamma angallammik kapisilinniummik 12,8 meterit (42 fod) tikillugit tamakkerlugu angissusilimmik qinnuteqartoq nammineq pigisaqartoq.

3) Qinnuteqarnermut atatillugu qinnuteqartumit pigineqartut qassutit kapisilinniutit qassiunerinik qanorlu ittuunerinik imaluunniit ilisarnaataannik nalunaaruteqartoq.

4) Qinnuteqartunut aalisarnerup siuliani akuersissummik peqarsimasunut aalisarnerup siuliani nalunaaruteqartussaataaneq pillugu §§ 9 aamma 16 naapertorlugu naammassinnissimassapput, taamaattoq takuuk § 18, imm. 3.

*Inuussutissarsiutigalugu kapisilinniarnermi piniutit*

§ 5. Uku atorlugit inuussutissarsiutigalugu taamaallaat kapisilinniartoqarsinnaavoq:

1) qarsorsat, imaluunniit

2) qassutit tasillugit minnerpaamik 140 mm-inik nigartallit atorlugit.

*Imm. 2.* Qassutit nigartaat uuttorneqassapput uuttuutit  $\frac{1}{2}$  kiilumik oqimaalutserlugu nigartanut ikkuneratigut nakkartinneqatigullu. Qimiaa puttalatitsisoq atuarlugu nigartat 20-t qimiaanun ungasseqatigiit uuttorneqassapput. Nigartat tamarmik imm. 1-imi piumasaqaat eqqortissavaat.

*Imm. 3.* Qassutit kapisilinniutit atorneqartut tamarmik piginnittup aqqanik imaluunniit taassuma angallataata normuanik nalunaaqutsersugaassapput. Nalunaaqutsiinermi atorneqartoq imermi allannguajaatsuusaaq.

*Imm. 4.* Silap pissusaata taamaattoqartissinnaappagu qassutit kapisilinniutit akuttunngitsumik akulikitsumillu qassusiarfigineqartassapput, pisat uumanissaminnut periarfissaat ajornerulertussaajunnaarlugit.

*Inuussutissarsiutigalugu kapisilinniarnernup aqunneqarnera*

§ 6. Inuussutissarsiutigalugu kapisilinniarneq pisassiissutit aallaavigalugit nunami tunitsivinnut tunisassanik imaluunniit najukkani kalaalimineerniarfennut tuniniarneqartussanik aalisarnertut ingerlanneqarsinnaavoq.

§ 7. Aalisarnermut § 6 malillugu Naalackersuisut ukiut tamaasa, nunat tamalaat akornanni isumaqatigiissutit mianeralugit, Kalaallit Nunaanni kapisilittassanik aalajangersaasassapput.

*Imm. 2.* Naalackersuisut KNAPK-lu isumasioqatigereerlugu inuussutissarsiutigalugu kapisilinniarnissamut piffissat ilaannut ataasiakkaanut ulloq aallartiffissaq aalajangertassavaat. Ulloq aallartiffia nuna tamakkerlugu tusagassiutit aqputigalugit nalunaarutigineqartassaaq.

*Imm. 3.* Inuussutissarsiutigalugu kapisilinnik aalisarnerq ulloq aalajangiiffigineqartoq sioqqullugu aallartinneqassanngilaq.

*Imm. 4.* Inuussutissarsiutigalugu kapisilinniarneq taamaallaat pisassatut aalajangerneqartut, aalisakkat uumatillutik uuttuutaattut (ilivitsuutillugit) kiilunngorlugit taaneqartut, iluanni pisinnaavoq.

*Imm. 5.* Inuussutissarsiutigalugu kapisilinniarnermut pisat Kalaallit Nunaata avataani taamaallaat pisiariortorneqarsinnaapput tuniniarneqarsinnaallutillu Naalackersuisut akuersissuteqamerisigut.

§ 8. Kapisilittassiissutit aalajangikkat tamakkerlugit pisarineqarnissaat qanillippat, Naalackersuisut nalunaarutigissavaat, qaqugu inuussutissarsiutigalugu kapisilinniarneq kiisalu taamatut aalisarnermit pisanik pisineq aamma tunisineq unissanersoq.

*Imm. 2.* Imm. 1 malillugu nuna tamakkerlugu tusagassiutit aqputigalugit nalunaarutigineqartassaaq.

*Imm. 3.* Aalisarnerq unitsinneqarpat, tak. imm. 1, inuussutissarsiutigalugu kapisilinniarneq kiisalu taamatut aalisarnermit pisanik pisiortorneq tunisinerlu inerteqqutaalissapput.

#### *Inuussutissarsiutigalugu kapisilinniarnermut pisanik nalunaaruteqartarnerq*

§ 9. Kapisillit pisarineqartut tamarmik Kalaallit Nunaanni Aalisarnermik Akuersissutinik Nakkutilliisoqarfimmut (KANUAANA) nalunaarutigineqassapput.

*Imm. 2.* Tunisat imaluunniit akigineqartut amerlassusii "niaquernagit erlaveerlugit" nalunaarutigineqarpata naatsorsueriaaseq 1,11 atorneqassaaq aalisakkat ilivitsunngortillugit naatsorsomeranni.

*Imm. 3.* Inuussutissarsiutigalugu aalisarnissamut akuersissutillit kalaalilimineerniarfinni toqqaannaq tunisisartut tulaassinerit tamaasa nalunaaruteqartassapput. Nalunaaruteqarnermi kapisillit pisat tamarmik ilaatinneqassapput. Pisat pillugit nalunaarutiginninneq nalunaarummi ilanngussaaq 1 atorlugu pisassaaq. Pisat pillugit nalunaarutiginninnissaq uunga nassiunneqassaaq KANUAANA, Postboks 501, 3900 Nuuk, Telefax 34 63 60 imaluunniit e-mailikkut [gflk@nanoq.gl](mailto:gflk@nanoq.gl) kapisilinnik tikiussinerit kinguninngua pisassaaq.

### Kapitali 3

#### *Inuussutissarsiummut atatinnagu kapisilinnik aalisarnermit pisanik nalunaaruteqartarneq*

#### *Inuussutissarsiummut atatinnagu kapisilinnik aalisarneq*

§ 10 Inuussutissarsiummut atatinnagu kapisilinniarnissamut akuersissut qinnuteqareernikkut Naalakkersuisunit tunniunneqartassaaq.

*Imm. 2.* Imm. 1 malillugu allagartat akuersissutit qinnuteqartunut piunnaasaqatit makkuunna naammassinnittunut tunniussisoqarsinnaavoq:

- 1) Aalisarneq pillugu Inatsisartut inatsisaanni § 8, imm. 1-imi piunnaasaqatit naammassinnissimasut.
- 2) Qinnuteqartunut aalisarnerup siuliani akuersissummik peqarsimasunut aalisarnerup siuliani nalunaaruteqartussaataaneq pillugu §§ 15 aamma 16 naapertorlugu naammassinnissimassapput, taamaattoq takuuk § 18, imm. 3.

#### *Inuussutissarsiummut atatinnagu kapisilinniarnermi piniutit*

§ 11. Inuussutissarsiummut atatinnagu kapisilinniarneq uku taamaallaat atorlugit piniaqqusaapput:

- 1) qarsorsat, imaluunniit
- 2) qassutit (ataatsit) 2000-inik nigartallit, taakkua tasillugit nigartaat minnerpaamik 140 mm-iusut.

*Imm. 2.* Qassutit nigartaat uuttoqassapput uuttuutit ½ kiilumik oqimaalutserlugu nigartamut ikkunneratigut nakkartinneratigullu. Qimiaa puttalatitsisoq atuarlugu nigartat 20-t qimiamut ungaseqatigiit uuttoqassapput. Nigartat tamarmik imm. 1-imi piunnaasaqatit eqqortissavaat.

*Imm. 3.* Qassutit kapisilinniutit piginnittut aqqanik nalunaaqutserneqarsimassapput. Nalunaaqutsiinermi atorneqartoq imermi allanngujaatsuussaaq.

*Imm. 4.* Silap pissusaata taamaattoqartissinnaappagu qassutit kapisilinniutit akuttunngitsumik akulikitsumillu qassusiarfigineqartassapput, pisat uumanissaminnut periarfissaat ajornerulertussaajunnaarlugit.

#### *Inuussutissarsiummut atatinnagu kapisilinniarnermi aqunneqarnera*

§ 12. Inuussutissarsiummut atatinnagu kapisilinniarneq pisassiissuteqarnikkut ingerlanneqarsinnaavoq.

§ 13. Inuussutissarsiummut atanngitsunik, tak. § 12, Naalakkersuisut ukiut tamaasa, nunat tamalaat akornanni isumaqatigiissutit mianeralugit, Kitaani kapisilittassanik aalajangersaasassapput.

*Imm. 2.* Inuussutissarsiummut atatinnagu kapisilinnik aalisarneq inuussutissarsiummut atatinnagu kapisilinniutit aalisarnerup aallarteqatigissavaa, takuuk § 7, imm. 2.

*Imm. 3.* Inuussutissarsiummut attuumassuteqanngitsumik kapisilinniarneq taamaallaat pisassatut aalajangerneqartut, aalisakkat uumatillutik uuttuutaattut (ilivitsuutillugit) kiilunngorlugit taaneqartut, iluanni pisinnaavoq.

**§ 14.** Kapisilittassiissutit aalajangikkat tamakkerlugit pisarineqarnissaat qanillippat, Naalakkersuisut nalunaarutigissavaat, qaqugu inuussutissarsiutigalugu kapisilinniarneq kiisalu taamatut aalisarnermit pisanik pisineq aamma tunisineq unissanersoq.

*Imm. 2.* Imm. 1 malillugu nuna tamakkerlugu tusagassiutit aqputigalugit nalunaarutigineqartassaaq.

*Imm. 3.* Aalisarnerq unitsinneqarpat, tak. imm. 1, inuussutissarsiummut atatinnagu kapisilinniarneq kiisalu taamatut aalisarnermit pisanik pisiortorneq tunisinerlu inerteqqutaalissapput.

*Inuussutissarsiummut atatinnagu kapisilinnik aalisarnermit pisanik nalunaaruteqartarneq*

**§ 15.** Inuussutissarsiummut atatinnagu kapisilinnik aalisarnermi kapisillit pisarineqartut tamarmik KANUAANA-mut nalunaarutigineqassapput.

*Imm. 2.* Pisat pillugit nalunaarutiginninneq nalunaarummi ilanngussaq 1 atorlugu pisassaaq. Pisat pillugit nalunaarutiginninnissaq uunga nassiunneqassaaq KANUAANA, Postboks 501, 3900 Nuuk, Telefax 34 63 60 imaluunniit e-mailikkut [gflk@nanoq.gl](mailto:gflk@nanoq.gl) kapisilinnik qassutit tikiunnerisa kinguninngua pisassaaq, tak. § 11, imm. 4.

#### **Kapitali 4**

*Inuussutissarsiutigalugu aamma inuussutissarsiummut attuumassuteqanngitsumik kapisilinniarnermi pisaqanngitsoornerit nalunaarutigineri*

**§ 16.** Inuussutissarsiutigalugu kiisalu inuussutissarsiummut attuumassuteqanngitsumik kapisilinniarnissamat akuersissutaatillit tamarmik kapisilinniarsimanngitsut tamanna pillugu ilanngussaq 1 atorlugu nalunaarutigissavaat.

*Imm. 2.* Inuussutissarsiutigalugu kiisalu inuussutissarsiummut attuumassuteqanngitsumik kapisilinniarnissamat akuersissutaatillit tamarmik kapisilinniarsimasut tamanna pillugu ilanngussaq 1 atorlugu nalunaarutigissavaat.

*Imm. 3.* Akuersissutinik atorneqanngitsunik pisaqanngitsoomerillu nalunaaruteqarneq nalunaarummut ilanngussaq 1 aqputigalugu pissaaq. Pisat pillugit nalunaarutiginninnissaq, ukiumi aalisarfiusumi, kingusinnerpaamik decembarip 1-ani uunga nassiunneqassaaq KANUAANA, Postboks 501, 3900 Nuuk, Telefax 34 63 60 imaluunniit e-mailikkut [gflk@nanoq.gl](mailto:gflk@nanoq.gl)

#### **Kapitali 5**

*Pineqaatissiinerit*

§ 17. § 1, nr. 1 aamma nr. 2, § 2, imm. 1, 2. imm., § 3, imm. 1, § 4, § 5, imm. 1, imm. 3, aamma imm. 4, § 7, imm. 3, 4 aamma 5, § 8, imm. 3, § 9, § 10, imm. 1, § 11, imm. 1, imm. 3, aamma imm. 4., § 13, imm. 3, § 14, imm. 3, § 15 aamma § 16-imik unioqqutitsinerit Kalaallit Nunaanni Pinerluttulerinermik Inatsit naapertorlugu akiliisitsinermik kinguneqarsinnaapput.

*Imm. 2.* Inatsilerinermi immikkoortut inuttut isigineqarsinnaasut pinerluttulerinermut inatsimmi malittarisassat malillugit imm. 1-imut ilaapput.

*Imm. 3.* Imm. 1 aamma 2 malillugit suliat Kalaallit Nunaanni Eqqartuussivimmuut suliaqartussatut siullertut suliakkiutigineqassapput.

*Imm. 4.* Akiliisitsissutit imm. 1-3 malillugit pineqaatissiissutigineqartut Nunatta Karsianut pisassanngortinneqassapput.

## Kapitali 6

*Atortuulersitsineq, atorunnaarsinneqarnissaa kiisalu ikaarsaariarnermi aalajangersakkat*

§ 18. Nalunaarut una atortuulissaaq 13. august 2018-imi.

*Imm. 2.* Peqatigitillugu Namminersorlutik Oqartussat kapisilinniarneq pillugu nalunaarutaat nr. 209. oktober 2015-imeersoq atorunnaarpoq.

*Imm. 3.* § 4, imm. 2, nr. 4 aamma § 10, imm. 2, nr. 2-mi piumasaaqatit 2019-imut taakkulu kingorna piffissani aalisarfiulersussani akuersissutinik tunniussiniarnermi atuutissapput.

*Namminersorlutik Oqartussat, ulloq 10. August 2018*

  
Erik Jensen

  
Jørgen Isak Olsen

ILANNGUSSAQ 1 / BILAG 1  
Kapisilinniarneq pillugu nalunaarummut  
til bekendtgørelse om fiskeri efter laks

## KAPISILINNUT PISANUT IMMERSUIFFIK - LAKSE JOURNAL

Aalisartup atia / Fiskerens Navn:  
Najugaa / Adresse:  
CPR:  
(Akuersissutip normua, angallatip aqqa, normua angissusaalu) / (Licensnr, fartøjs navn, fartøjs nr, fartøjs størrelse):

Ulloq	Aalisarfiup sumiinnera	Qassutit sorliit	Kapisillit pisat qassit	Pisat kiilunngorlugit (niaqullit erlaviikkat)	Qas-sutit qassit	Akunnerit ningisimaf-fiit	Oqaaseqaatit / Sumi tunisineq	Oqaaseqaatit / Nammaneq atukkat
Dato	Fiske sted	Garn type	Antal laks fanget	Vægt af fangst i kg (MHUI)	Antal Garn	Antal timer	Bemærkninger / Salgs sted	Bemærkninger / Privat forbrug

Oqaaseqaatit / Bemærkninger:

- X-ileruk/Sæt X:  Aalisarsimangilanga / Har ikke fisket
- X-ileruk/Sæt X:  Aalisarsimavunga pisaqarnangalu / Har fisket men ikke fanget noget